



Nr. 264 Prot. Datë 12 / 12 /2023

Nr. ____ Prot. Datë ____ / ____ /2023

MEMORANDUM BASHKËPUNIMI

Ky memorandum lidhet ndërmjet palëve të mëposhtme:

- "Universiteti Europian i Tiranës" sh.p.k., me seli në: Rruga "Xhanfize Keko", Nd.56, Tiranë, regjistruar me Numrin Unik të Identifikimit të Subjektit (NUIS) K62029010L, me emër tregtar "Universiteti Europian i Tiranës", përfaqësuar nga Z. Tildi Çadri, në cilësinë e Administratorit madhor dhe me zotësi të plotë juridike dhe për të vepruar, këtu e më poshtë referuar si "UET".

DHE

"Atria Studio" shpk me seli në Nj. Bashkiake nr. 7, Rruga "Nikolla Jorga", Hyrja 7, Nd. 7, Ap. 42 Tiranë, Shqipëri, regjistruar me Numrin Unik të Identifikimit të Subjektit (NUIS) L71905036D, me objekt veprimtarie _Ndertim/Projektim/Zbatim/Mbikqyrje/Kolaudim , Auditime energjitike në ndërtesa dhe punime restaurimi, te objekteve civile, industriale, tregtare, turistike, shendetesore, kulturore, sportive, vepra kullimi dhe vadije, infrastrukture, shërbime komunale, projektim i objekteve te treguara me siper, përfaqësuar nga Znj. Enola Martopullo në cilësinë e Administratorit/ Përfaqësuesit ligjor, madhor dhe me zotësi të plotë juridike për të vepruar, këtu e më poshtë referuar si "Atria Studio".

Neni 1 Objekti i Bashkëpunimit

Objekti i këtij memorandum është përcaktimi i fushave dhe mënyrave të bashkëpunimit midis UET dhe "Atria Studio". Entitetet e mësipërme bien dakord të bashkëpunojnë për një afat të pacaktuar kohor më njëra-tjetrën në fushat ku të dyja palët ushtrojnë aktivitetin e tyre kryesor dhe/ose plotësues. Pikat kryesore të bashkëpunimit do të jenë:

I. Kualifikim / Specializime

UET do të ofrojë mundësinë për kualifikime të burimeve njerëzore në programe të të tre cikleve të studimit: Bachelor, Master Profesional, Master i Shkencave, Master Ekzekutiv dhe Doktoratë. Gjithashtu, do të ofrojë mundësinë e trajnimeve të certifikuara 3-12 javore në fushat e interesit.

Atria Studio vendos në dispozicion të UET burimet e saj të kualifikuara njerëzore për qëllime të mbulimit të aspekteve praktike të kurrikulës mësimore në secilin program mësimor.

II. Konsulencë

UET do të ofrojë shërbime këshillimi dhe konsulencë të specializuar në të gjitha fushat e ekspertizës së vet akademike dhe profesionale, sipas interesave dhe termave preferenciale të dakortësuara midis palëve

Atria Studio do të ftohet në proceset e hartimit të programeve të reja të studimit, ose rishikimit të atyre ekzistuese për të reflektuar kërkesat e tregut të punës.

III. Praktika profesionale dhe mbështetja për punësim

Atria Studio, në përputhje me nevojat dhe mundësitë e disponueshme do të pranojë studentë në praktika profesionale duke iu dhënë mundësinë studentëve të UET të shfaqin/përmirësojnë aftësitë e tyre profesionale, si dhe të ofrojë mundësi punësimi.

IV. Projekte studimore dhe kërkime me natyrë aplikative për industrinë

- **Atria Studio** do të mundësojë akses dhe përdorim të dhënash për hartimin e temave të diplomës, disertacioneve të studentëve UET dhe kërkimin shkencor të stafit akademik, duke respektuar legjislacionin për mbrojtjen e të dhënave Individuale.
- UET ofron realizimin e kërkimeve bazë dhe të aplikuara nga studentët e tre cikleve të studimit dhe nga stafi i tij akademik, për çështje specifike me interes të përbashkët.
- Palët angazhohen të organizojnë dhe zhvillojnë veprimtari/ projekte/ evente të përbashkëta në fushat e përbashkëta të interesit.
- Theksi do të vendoset në forcimin e kapaciteteve të nënshkruesve në fushat që lidhen me mbrojtjen e mjedisit, efikasitetin e energjisë dhe ndryshimet klimatike dhe çështjeve të tjera të ngjashme, në përputhje me Objektivat e Zhvillimit të Qëndrueshëm (SDGs) si dhe me prioritetet e Bashkimit Evropian.
- Në raste të caktuara dhe kur krijohen detyrime me natyrë financiare për palët, termat e bashkëpunimit në këtë fushë përcaktohen sipas rastit me marrëveshje të posaçme.

V. Partneritete në projekte lokale dhe ndërkombëtare

- Palët angazhohen të bashkëpunojnë në projekte ndërkombëtare

Neni 2

Të drejtat dhe detyrimet e palëve

Institucionet marrin përsipër që në përputhje me interesat institucionale, mundësitë e tyre dhe kapacitetet përkatëse, të vendosin në dispozicion të njëra-tjetrës të gjitha burimet njerëzore dhe materiale, për arritjen e qëllimeve që parashikon kjo marrëveshje. Institucionet do të ruajnë konfidencialitetin e njëra-tjetrës, për të cilat do të vendosen në dijeni si rrjedhojë e bashkëpunimit të ndërsjellë të palëve. Palët do të nxisin njëra-tjetrën për një bashkëpunim sa më të gjerë dhe intensiv duke eksploruar fusha të tjera bashkëpunimi

Neni 3

Interpretimet

Palët do të interpretojnë çdo pikë të kësaj marrëveshjeje, duke marrë parasysh vullnetin dhe dëshirën e mirë të secilës prej palëve, deri në nënshkrimin e kësaj marrëveshjeje. Kjo marrëveshje nuk mund të jetë pjesë e ndonjë konflikti gjyqësor.

Neni 4

Komunikimi

Palët do të caktojnë personat e kontaktit që do të jenë përgjegjës për zbatimin e Memorandumit, me qëllim që komunikimi dhe shkëmbimi i të dhënave të jetë i shpejtë, konkret dhe efektiv. Në rastet e shmangies nga procedurat e përcaktuara në këtë Memorandum, palët do të merren vesh për procedura të pranueshme komunikimi në përputhje me legjislacionin në fuqi.

Personat e kontaktit për secilën palë, në kuadër të implementimit të këtij memorandumi janë:

Për "Atria Studio" .:

Znj. Enola Martopullo; e-mail: info@atria.cm; Mob. +355 694056793

Për UET:

Znj. Teuta Xhindi; e-mail: teuta.xhindi@uet.edu.al; Mob. +355 68 200 3383

Neni 5

Ndryshime

Memorandumi mund të ndryshohet vetëm me miratimin e ndërsjellë me shkrim të dy palëve të përfshirë në të. Sipas rastit, për bashkëpunime specifike palët do të nënshkruajnë një akt të dytë në përputhje me aktet ligjore dhe nënligjore në fuqi.

Neni 6

Përfundimi i Memorandumit

Memorandumi mund të përfundojë në çdo kohë. Përfundimi do të hyjë në fuqi me marrjen e njoftimit me shkrim, të arsyetuar nga Pala tjetër.

Palët marrin përsipër t'u përmbahen termave dhe kushteve të memorandumit duke ofruar dhe shkëmbyer informacionin dhe dokumentacionin e nevojshëm, deri para datës së përfundimit të tij.

Neni 7

Hyrja në fuqi

Ky Memorandum Bashkëpunimi hyn në fuqi menjëherë pas nënshkrimit të tij nga përfaqësuesit e palëve. Memorandumi përgatitet dhe nënshkruhet në 2 (dy) kopje origjinale, një për secilën Palë.

Ky Memorandum Bashkëpunimi u nënshkrua sot, më datë ____/____/____ dhe hyn në fuqi menjëherë.

"Universiteti Europian i Tiranës" sh.p.k.,

Administrator

Tildi Çadri



"Atria Studio" sh.p.k.

Administrator

MSc.Ark Enola Martopullo

